

ს.ს.ი.პ. „საქართველოს სახელმწიფო ჰიდროგრაფიული სამსახური”

გამარტივებული ელექტრონული ტენდერის დოკუმენტაცია

ავტოამწის და მისი ოპერატორის მომსახურების
სახელმწიფო შესყიდვის შესახებ

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული ელექტრონული ტენდერისა და ელექტრონული ტენდერის ჩატარების წესი“-ს საფუძველზე.

ქ. ფოთი

2017 წელი

სარჩევი

1. ტექნიკური დოკუმენტაცია.....	3–4
2. დამატებითი ინფორმაცია.....	5
3. სახელმწიფო შესყიდვის შესახებ ხელშეკრულების პროექტი.....	6–8
4. დანართი N 1, ფასების ცხრილი.....	9
5. დანართი N 2, რეკვიზიტები.....	10
6. დანართი N 3, ანგარიშსწორების პირობები.....	11

1. ტექნიკური დოკუმენტაცია

1.1 პრეტენდენტის მიერ ელექტრონულ სისტემაში ასატვირთი ტექნიკურ დოკუმენტაციის ჩამონათვალი (როგორც იურიდიული, ასევე ფიზიკური პირებისათვის):

ა) ფასების ცხრილი, დანართი N 1.

ბ) რეკვიზიტები (დასახელება, მისამართი, ტელეფონი/ფაქსი, ელექტრონული მისამართი, საბანკო რეკვიზიტები, ხელმძღვანელი პირის სახელი, გვარი), დანართი N 2.

გ) ანგარიშსწორების პირობები, დანართი N 3.

სატენდერო წინადადების წარმომდგენი პრეტენდენტი ავტომატურად ეთანხმება ტექნიკურ დოკუმენტაციაში მოცემულ პირობებს.

შენიშვნა: ელექტრონულ სისტემაში ასატვირთი ყველა დოკუმენტი უნდა იყოს ხელმოწერილი პრეტენდენტის ხელმძღვანელის ან შესაბამისი უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება) და დამოწმებული ბეჭდით (ბეჭდის არსებობის შემთხვევაში).

1.2 პრეტენდენტისაგან ალტერნატიული წინადადებები არ განიხილება.

1.3 ანგარიშსწორების პირობები:

1.3.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

1.3.2. ანგარიშსწორება მოხდება უნაღდო ანგარიშსწორებით ლარში, ფაქტიური მიწოდების შესაბამისად.

1.3.3. ანგარიშსწორება მოხდება მიღება-ჩაბარების აქტის გაფორმებიდან და საანგარიშსწორებო დოკუმენტაციის წარმოდგენიდან 10 (ათი) კალენდარული დღის ვადაში.

1.3.4. წინასწარი ანგარიშსწორება (ავანსი) არ გამოიყენება.

1.3.5. დაფინანსების წყარო: 2017 წლის საკუთარი სახსრები.

1.4 ხელშეკრულების უზრუნველყოფის საბანკო გარანტია: (არ გამოიყენება)

1.5 შესყიდვის ობიექტის სავარაუდო ღირებულება:

1.5.1. მომსახურების სავარაუდო ღირებულება შეადგენს 10000 (ათიათასი) ლარს, რომელიც მოიცავს მომსახურების გაწევასთან დაკავშირებულ ყველა ხარჯს (მათ შორის საწვავ-საპოხი მასალებით გამართვის ხარჯს) და საქართველოს კანონმდებლობით გათვალისწინებულ ყველა გადასახადს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი უნდა იქნას დღგ-ს ჩათვლით. ხელშეკრულების ჯამურ ღირებულებაში გათვალისწინებული იქნება გამარჯვებული პრეტენდენტის მიერ წარმოდგენილი სატენდერო წინადადების ფასი.

1.5.2. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც შემსყიდველის მიერ განესაზღვრება არაუმეტეს 5 (ხუთი) სამუშაო დღე. პრეტენდენტის მიერ ფასწარმოქმნის ადეკვატურობა უნდა დასაბუთდეს ექსპერტიზის/აუდიტის დასკვნით ან/და მის მიერ გაფორმებული ხელშეკრულებებით, ანგარიშგაქტურით (ინვოისით), რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

შენიშვნა: ექსპერტიზის ჩამტარებელი პირი (ფიზიკური, იურიდიული) არ უნდა იყოს მიმწოდებლთან, საქართველოს საგადასახადო კოდექსის მე-19 მუხლის პირველი და მე-2 პუნქტებით, გათვალისწინებული ურთიერთდამოკიდებული პირი.

1.6 შესყიდვის ობიექტი და მოცულობა:

1.6.1. სპეციალური ავტოტექნიკით – კალათიანი ავტომანქანით („ჟირაფი“, რომელსაც უნდა შეეძლოს არანაკლებ 30 მ. სიმაღლეზე აწევა) მომსახურება – 40 (ორმოცი) საათი, ოპერატორთან ერთად.

1.6.2. სპეციალური ავტოტექნიკით – ტვირთამწით (ამწეს უნდა შეეძლოს მინიმუმ 5 ტონა ტვირთის აწევა, გადაადგილება) მომსახურება – 103 (ასსამი) საათი, ოპერატორთან ერთად.

1.6.3. ტექნიკურ გამართულობასა და ექსპლუატაციის დროს ავტომანქანის უსაფრთხოების წესების დაცვაზე პასუხისმგებლობა ეკისრება მიმწოდებელს.

1.6.4. გასაწევი მომსახურების საგარანტიო პირობები:

ა) მომსახურება უნდა განხორციელდეს ყველა სატრანსპორტო წესების დაცვით და გათვალისწინებით;

- ბ) გასაწევი მომსახურების პერიოდის განმავლობაში ავტოსატრანსპორტო საშუალება უნდა იყოს ტექნიკურად გამართულ მდგომარეობაში;
- გ) სატრანსპორტო საშუალების მძღოლი უნდა იყოს კვალიფიციური.

1.7 მიწოდების პირობები და ვადები:

- ა) მიწოდების ვადა - ხელშეკრულების დადებიდან ეტაპობრივად, 2017 წლის 31 დეკემბრის ჩათვლით, შემსყიდველის მოთხოვნის შესაბამისად.
- ბ) მომსახურების გაწევა პრეტენდენტმა უნდა განახორციელოს ქ. ფოთის და ქ. ბათუმის ტერიტორიაზე, შემსყიდველის მიერ მითითებულ ადგილებზე.
- გ) მომსახურების მიწოდება უნდა განხორციელდეს ეტაპობრივად, შემსყიდველის მიერ მოთხოვნისთანავე ან/და მომდევნო დღეს, რაზეც ტენდერში გამარჯვებულ პრეტენდენტს ეცნობება ზეპირი, წერილობით, ან სხვა რაიმე საკომუნიკაციო საშუალებით (ელექტრონული ფოსტით განხორციელებული შეტყობინება ჩაითვლება ოფიციალურად).

1.8. დამატებითი მოთხოვნები.

- 1.8.1. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.
- 1.8.2. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.
- 1.8.3. სატენდერო წინადადებაში ფასი გამოსახულ უნდა იყოს მომსახურებისათვის საჭირო ყველა ხარჯის გათვალისწინებით.
- 1.8.4. სატენდერო წინადადების ფასი წარმოდგენილი უნდა იქნეს ეროვნულ ვალუტაში - **ლარი**.

2. საკონტაქტო ინფორმაცია

2.1. სატენდერო დოკუმენტაციასთან დაკავშირებული დამატებითი ინფორმაციის და განმარტებების (როგორც ზეპირად ასევე წერილობით) მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში: ქ. ფოთი, დ. თავდადებულის ქ. N 93.

საკონტაქტო პირები:

- სატენდერო აპარატის წევრი – **სალომე ჭოჭუა**, ტელ: +995 493 27-49-98 (111), 595 65-71-74, E-mail: **s.chochua@hydrography.ge**.
- სატენდერო კომისიის წევრი – **თენგიზ გაჩეჩილაძე**, ტელ: +995 493 27-49-98 (110), 577 95-00-08.

3. ხელშეკრულება სახელმწიფო შესყიდვის შესახებ (ხელშეკრულების პირობები დაზუსტდება გამარჯვებულ ორგანიზაციასთან)

ქ. ფოთი

„ _____ 2017 წელი

ერთის მხრივ ს.ს.ი.პ. „საქართველოს სახელმწიფო ჰიდროგრაფიული სამსახური“ (შემდგომში - შემსყიდველი) წარმოდგენილი მისი დირექტორის, **რევაზ ბაბილუას** სახით და მეორეს მხრივ _____ (შემდგომში მიმწოდებელი), წარმოდგენილი მისი დირექტორის _____ სახით, სახელმწიფო შესყიდვების შესახებ კანონის დაცვით ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) შემსყიდველსა დამიწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზეთანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელზეც ვაფორმებულია წინამდებარე ხელშეკრულება.
- 1.3. „შემსყიდველი“ - ორგანიზაცია, რომელიც ახორციელებს შესყიდვას.
- 1.4. „მიმწოდებელი“ - ორგანიზაცია/პირი, რომელიც ახორციელებს მომსახურებას ხელშეკრულების ფარგლებში.

2. ხელშეკრულების საგანი

- 2.1. მიმწოდებელი უზრუნველყოფს შემსყიდველისთვის მომსახურების მოწოდებას.

3. ხელშეკრულების ღირებულება

- 3.1. ხელშეკრულების ღირებულება შეადგენს _____ ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების ყველა ხარჯს.

4. ანგარიშსწორების ფორმა და ვადები

- 4.1. მომსახურების ღირებულების ანაზღაურება განხორციელდება მიმწოდებლის მიერ საანგარიშსწორებო დოკუმენტაციის შემსყიდველისთვის წარდგენის შემდეგ, უნაღდო ანგარიშსწორებით, მიმწოდებლის მიერ მითითებული რეკვიზიტების მიხედვით.
- 4.2. ანგარიშსწორების ვადა - შესაბამისი საანგარიშსწორებო დოკუმენტაციის ვაფორმებიდან არაუმეტეს 05 (ხუთი) კალენდარული დღის განმავლობაში. უნაღდო ანგარიშსწორებით ეროვნულ ვალუტაში - **ლარი**, მიმწოდებლის მიერ მითითებული რეკვიზიტების მიხედვით.

5. მიღება-ჩაბარების წესი

- 5.1. მომსახურება მიღებულად მხოლოდ შესაბამისი საანგარიშსწორებო დოკუმენტაციის და მიღება ჩაბარების აქტის ვაფორმების შემდეგ.

6. მხარეთა უფლება-მოვალეობანი

- 6.1. შემსყიდველი უფლებამოსილია:
 - ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
- 6.2. შემსყიდველი ვალდებულია:
 - ა) უზრუნველყოს მიმწოდებლის მიერ მიწოდებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 6.3. მიმწოდებელი უფლებამოსილია:
 - ა) მოსთხოვოს შემსყიდველს ანაზღაურება ხელშეკრულებით გათვალისწინებული ვადებისა და პირობების დაცვით.
- 6.4. მიმწოდებელი ვალდებულია:
 - ა) მიაწოდოს საქონელი სათანადო ხარისხისა და სრული მოცულობით, განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში;

7. ხელშეკრულებით ნაკისრი ვალდებულებების შესრულების ინსპექტირება

- 7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი თანამშრომელი _____.
- 7.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა

8.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება, ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

9. ხელშეკრულების შეწყვეტა

9.1. ეს ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობითი მიეცა გაფრთხილება და ამ დარღვევის გამოსასწორებლად მიეცა დამატებითი ვადა არანაკლებ 5 (ხუთი) დღის ოდენობით. ამასთან დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ/ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.

9.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

ა) იმ ვალდებულებების შესრულებისგან, რომლებიც ხელშეკრულების შეწყვეტამდე წარმოიშვა ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);

ბ) ზიანის ანაზღაურების მოთხოვნის დაკმაყოფილების ვალდებულებისგან (ზიანის არსებობის შემთხვევაში).

9.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

10. ფორს-მაჟორი

10.1. მხარეები თავისუფლდებიან პასუხისმგებლობისგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია.

10.2. „ფორს-მაჟორი“ ქვეშ იგულისხმება გარემოება, რომელიც არ არსებობდა ამ ხელშეკრულების დადებისას და რომლის თავიდან აცილება, ან გადალახვა მხარეს არ შეეძლო, კერძოდ: საომარი მდგომარეობა/საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, საბიუჯეტო ასიგნების მკვეთრი შემცირება და სხვა მსგავსი გარემოებანი.

10.3. მხარე, რომლისთვისაც ფორს-მაჟორის გამო შეუძლებელი შეიქმნა ვალდებულებების შესრულება, ვალდებულია დაუყონებლივ (ფორს-მაჟორის დადგომიდან არა უგვიანეს 2 სამუშაო დღისა) აცნობოს მეორე მხარეს ნაკისრი ვალდებულების შეუსრულებადობის შესახებ. შეუტყობინებლობის ან დაგვიანებით შეტყობინების შემთხვევაში იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისგან განთავისუფლების საფუძველს. შეტყობინებაში მითითებული ფორს-მაჟორის ფაქტი უნდა დადასტურდეს.

10.4. ფორს-მაჟორის მიუხედავად მხარეს, რომლისთვისაც ნაკისრი ვალდებულების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.

10.5. თუ ფორს-მაჟორული მდგომარეობა 30 დღეზე მეტ ხანს გრძელდება, მაშინ მხარეებს უფლება აქვთ ცალმხრივად შეწყვიტონ ხელშეკრულება.

11. სადაო საკითხების გადაწყვეტა

11.1. მხარეები თანხმდებიან, რომ მათ შორის ამ ხელშეკრულებასა ან მის განხორციელებასთან დაკავშირებული ნებისმიერი სადაო საკითხი მოლაპარაკების მეშვეობით მოაგვარონ.

11.2. თუ სადავო საკითხი მოლაპარაკებით ვერ მოგვარდა, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

12. გადასახადები და დაბეგვრა

12.1. მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახადების გადახდაზე

13. შეტყობინება

13.1. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფლის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13.2. შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გააგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

14. სხვა პირობები

14.1. ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს _____.

14.2. ხელშეკრულების დანართები წარმოადგენს წინამდებარე ხელშეკრულების განუყოფელ ნაწილს.

14.3. ყველა სხვა საკითხი, რაც არ რეგულირდება ამ ხელშეკრულებით რეგულირდება საქართველოს კანონმდებლობით.

14.4. ხელშეკრულება შედგენილია ქართულ ენაზე, თანაბარი იურიდიული ძალის მქონე _____ ეგზემპლარად.

შემსყიდველის მხრიდან:


მიმწოდებლის მხრიდან:

ფასების ცხრილი

პრეტენდენტის დასახელება : _____

N	მომსახურების დასახელება	განზომილების ერთეული	ერთეულის ფასი	საერთო ღირებულება	მიწოდების ვადა	მიწოდების ადგილი
1	2	3	4	5	6	7
1	კალათიანი ავტომწე („ჟირაფი“, რომელსაც უნდა შეეძლოს არანაკლებ 30 მ. სიმაღლემდე აწევა)	40 (ორმოცი) საათი			ხელშეკრულების ხელმოწერიდან, მოთხოვნის შესაბამისად, 2017 წლის 31 დეკემბრის ჩათვლით	ფოთი–ბათუმი
2	ტვირთამწე (ამწეს უნდა შეეძლოს მინიმუმ 5 ტონა ტვირთის აწევა, გადაადგილება)	103 (ასსამი) საათი				ფოთი–ბათუმი


ხელმოწერა: _____


 ბ.ა

რეკვიზიტები: _____
პრეტენდენტის იურიდიული ფორმა და დასახელება: _____
ხელმძღვანელის სახელი და გვარი: _____
პრეტენდენტის იურიდიული ან/და ფაქტიური მისამართი: _____
საიდენტიფიკაციო კოდი: _____
პრეტენდენტის ტელეფონის ნომერი: _____
ელექტრონული მისამართი: _____
ბანკის კოდი: _____
ანგარიშის ნომერი: _____

(თანამდებობა, სახელი, გვარი)

(ხელმოწერა)



ბ.ა

ანგარიშსწორების პრობები

ჩვენი სატენდერო წინადადების გამარჯვების შემთხვევაში : _____

ხელმოწერა: _____

